

DATGANIAD LLYWODRAETHU CORFFORAETHOL A DATGANIAD O REOLAETH FEWNOL

Mae'r Brifysgol yn ymgymryd â'i gweithgareddau yn unol â Chôd Llywodraethu Addysg Uwch a Chôd Cydnabyddiaeth Ariannol Uwch-staff Addysg Uwch Pwyllgor y Cadeiryddion Prifysgol (CUC), ac yn unol ag egwyddorion Nolan a nodwyd gan y Pwyllgor ar Safonau mewn Bywyd Cyhoeddus (anhunanoldeb, uniondeb, gwrthrychedd, atebolrwydd, tryloywder, gonestrwydd ac arweinyddiaeth). Mae'r Brifysgol yn ymrwymedig i'r safonau uchaf o dryloywder, uniondeb ac atebolrwydd, ac mae'n ymgymryd â'i gweithgareddau mewn modd cyfrifol ac mae ganddi Bolisi Chwythu'r Chwiban (Datgelu er Lles y Cyhoedd) er mwyn galluogi staff, myfyrwyr ac aelodau eraill o'r Brifysgol i fynegi pryderon sydd er budd y cyhoedd.

Cyfansoddiad a Phwerau

Mae'r Brifysgol yn gorfforaeth annibynnol, y mae ei statws cyfreithiol yn deillio o Siarter Frenhinol a roddwyd yn wreiddiol ym 1920. Amlinellir ei hamcanion, ei phwerau a'i fframwaith llywodraethu yn ei Siarter gyfredol ('y Siarter Atodol') a gymeradwywyd gan y Cyfrin Gyngor yn 2007, ac yn ei Statudau ategol, y cymeradwywyd y diwygiadau diweddaraf iddynt gan y Cyfrin Gyngor yn 2021. Cofrestrwyd y Brifysgol yn elusen ym mis Hydref 2010 (rhif 1138342).

Mae'r Siarter a'r Statudau'n mynnu bod gan y Brifysgol dri chorff ar wahân (y Cyngor, y Senedd a'r Llys), pob un â swyddogaethau a chyfrifoldebau wedi'u diffinio'n glir, i oruchwylio a rheoli ei gweithgareddau:

Y Cyngor

Y Cyngor, a sefydlwyd gan Siarter y Brifysgol, yw'r corff llywodraethu ac felly, hwn yw awdurdod goruchaf y Brifysgol, sy'n golygu bod ganddo atebolrwydd terfynol am ymddygiad a gweithgarwch y Brifysgol a'i chynrychiolwyr. Nodir aelodaeth, pwerau a dyletswyddau'r Cyngor yn Statud 5, sydd ar gael ar wefan y Brifysgol. Mae'r Cyngor yn gyfrifol am

bennu cyfeiriad strategol y Brifysgol, ac am gyllid, ystadau, buddsoddiadau a busnes cyffredinol y Brifysgol.

Mae'r Cyngor yn cwrdd o leiaf bedair gwaith y flwyddyn ac mae'n arfer ei gyfrifoldebau drwy'r pwyllgor rheoli gweithredol a'r pwyllgorau sefydlog a nodir isod. Gellir cynnal cyfarfodydd arbennig ar gais y Cadeirydd yn ôl yr angen. Yn ystod 2023/24, cynhaliodd y Cyngor wyth cyfarfod, gan gynnwys pedwar cyfarfod arbennig. Cynhaliwyd tri o'r cyfarfodydd wyneb yn wyneb, cynhaliwyd pedwar cyfarfod hybrid a chynhaliwyd un o bell.

Mae aelodaeth y Cyngor yn cynnwys aelodau annibynnol (a ddisgrifir fel aelodau lleyg), aelodau o blith staff a myfyrwyr a benodir yn unol â Statudau ac Ordinhadur Brifysgol. Ni fydd aelodau'r Cyngor yn fwy nag 19 ac mae'r rhan fwyaf o aelodau'r Cyngor yn aelodau anweithredol lleyg nad ydynt yn aelodau staff nac yn fyfyrwyr cofrestredig y Brifysgol. Mae'r Cyngor yn ymrwymedig i hyrwyddo cydraddoldeb ac amrywiaeth, a hysbysebwr cyfleoedd i aelodau lleyg yn allanol a chroesewir mynegiannau o ddiddordeb gan grwpiau heb gynrychiolaeth ddigonol yn arbennig. Caiff ceisiadau eu hystyried gan y Pwyllgor Llywodraethu ac Enwebiadau

a'u hasesu yn erbyn y matrices sgiliau a phrofiad presennol. Nid oes unrhyw un o'r aelodau lleyg yn derbyn tâl ar wahân i ad-dalu treuliau am waith ar ran y Brifysgol. Mae aelodau lleyg o'r Cyngor yn gwasanaethu am gyfnod o bedair blynedd ond gellir eu hailbenodi am gyfnod arall o bedair blynedd. Nid oes neb ond aelod lleyg yn gallu ymgymryd â rôl Cadeirydd y Cyngor ac mae'r rôl hon ar wahân i rôl Prif Weithredwr y Brifysgol, sef yr Is-ganghellor. Penodir aelodau staff o'r Cyngor drwy broses ethol deg ac agored.

Mae'n ofynnol i aelodau'r Cyngor wneud datganiad o fuddiannau wrth gael eu penodi i'r Cyngor, i adolygu eu datganiad o leiaf unwaith y flwyddyn, ac i ddiweddarau eu datganiad pryd bynnag y bydd yn newid. Caiff datganiadau eu hadolygu gan Gadeirydd y Cyngor, yn unol â pholisi a gweithdrefn y Brifysgol ynghylch Datganiadau o Fuddiannau er mwyn sicrhau nad oes gwrthdaro posib neu ymddangosiadol, neu os oes, sicrhau yr ymdrinnir â hyn yn briodol. Mae'r Ysgrifennydd i'r Cyngor hefyd yn cynnal cofrestr o fuddiannau holl aelodau'r Cyngor, sy'n cael ei hadolygu'n flynyddol gan y Pwyllgor Llywodraethu ac Enwebiadau. Ar ddechrau holl

gyfarfodydd y Cyngor a Phwyllgorau'r Cyngor, gofynnir i'r holl aelodau nodi unrhyw eitemau penodol y gall buddiant a ddatganwyd effeithio arnynt ac, os oes angen, nid yw aelodau'n cymryd rhan yn y drafodaeth neu'r penderfyniad perthnasol, a/neu gallant adael y

cyfarfod ar yr adeg briodol. Cofnodir unrhyw ddatganiadau a nodwyd a chofnodir cyfraniad yr aelod at eitemau penodol yng nghofnodion y cyfarfod. Mae'r Cyngor wedi mabwysiadu'r disgrifiad rôl ar gyfer yr Ysgrifennydd i'r Cyngor, a ddatblygwyd mewn ymateb i

Adolygiad Gillian Camm o Brifysgolion yng Nghymru (Adolygiad CAMM), sy'n cynnwys datganiad clir am atebolrwydd yr Ysgrifennydd am dynnu materion annibyniaeth neu wrthdaro at sylw'r Cadeirydd.

Gan fod y Brifysgol yn elusen gofrestredig, mae'r Cyngor hefyd yn gweithredu fel Bwrdd Ymddiriedolwyr ac mae aelodau'r Cyngor hefyd yn Ymddiriedolwyr Elusen.

Rhestrir isod aelodau o Gyngor y Brifysgol a wasanaethodd yn ystod y flwyddyn a ddaeth i ben ar 31 Gorffennaf 2024 a hyd at y cyfarfod o'r Cyngor lle llofnodwyd y datganiadau ariannol. Nodir isod presenoldeb yng nghyfarfodydd y Cyngor yn ystod y flwyddyn a ddaeth i ben ar 31 Gorffennaf 2024 (*wedi'i fynegi fel nifer o gyfarfodydd y Cyngor y bu'r aelod yn bresennol ynddynt o gyfanswm y cyfarfodydd y gallai fod wedi'u mynychu).



Aelod o'r Cyngor	Categori	Presenoldeb
Mr Bleddyn Phillips, Dirprwy Ganghellor a Chadeirydd y Cyngor (tan 31 Rhagfyr 2023)	Lleyg	4/4
Mr Goi Ashmore, Trysorydd (tan 31 Rhagfyr 2023) a Dirprwy Ganghellor a Chadeirydd y Cyngor (o 1 Ionawr 2024)	Lleyg	7/8
Syr Roderick Evans, Dirprwy Ganghellor (tan 31 Mawrth 2025)	Lleyg	7/8
Ms Anne Tutt, Aelod lleyg cyfetholedig (tan 31 Rhagfyr 2023) a Thrysorydd (o 1 Ionawr 2024)	Lleyg	6/8
Yr Athro Paul Boyle, Is-ganghellor (tan 31 Gorffennaf 2029)	Staff	8/8
Dr Kerry Beynon, Aelod lleyg cyfetholedig (tan 3 Chwefror 2024)	Lleyg	3/4
Mr Laurence Carpanini, Aelod lleyg cyfetholedig (tan 31 Rhagfyr 2026)	Lleyg	7/8
Yr Athro Edward David, Aelod lleyg cyfetholedig (tan 3 Chwefror 2028)	Lleyg	8/8
Mr Huw Davies, Aelod lleyg cyfetholedig (o 1 Awst 2024)	Lleyg	0/0
Yr Athro Kathryn Monk, Aelod lleyg cyfetholedig (tan 26 Ionawr 2026)	Lleyg	6/8
Ms Nataliya Manskova, Aelod lleyg cyfetholedig (o 1 Awst 2024)	Lleyg	0/0
Mr Phillip Morgan, Aelod lleyg cyfetholedig (o 4 Chwefror tan 19 Mehefin 2024)	Lleyg	0/2
Dr Angus Muirhead, Aelod lleyg cyfetholedig (tan 31 Gorffennaf 2024)	Lleyg	7/8
Ms Elin Rhys, Aelod lleyg cyfetholedig (tan 3 Chwefror 2024)	Lleyg	4/4
Mrs Marcia Sinfield, Aelod lleyg cyfetholedig (tan 30 Tachwedd 2024)	Lleyg	7/8
Yr Athro Keshav Singhal, Aelod lleyg cyfetholedig (tan 30 Tachwedd 2024)	Lleyg	6/8
Mr Richard Thomas, Aelod lleyg cyfetholedig (o 16 Mai 2024)	Lleyg	1/3
Ms Nan Williams, Aelod lleyg cyfetholedig (o 1 Ionawr 2024)	Lleyg	4/4
Dr Mahaboob Basha, Penodwyd gan staff (tan 30 Mehefin 2027)	Staff	6/8
Mr Adam Jones, Penodwyd gan staff (tan 30 Mehefin 2027)	Staff	8/8
Yr Athro Michelle Lee, Penodwyd gan y Senedd (tan 30 Mehefin 2027)	Staff	8/8
Dr Phatsimo Mabophiwa, Penodwyd gan y Senedd (tan 30 Mehefin 2027)	Staff	7/8
Miss Megan Chagger, Llywydd Undeb y Myfyrwyr (o 1 Gorffennaf 2024)	Myfyriwr	2/2
Mis Abigail Egwatu, Penodwyd gan Undeb y Myfyrwyr (tan 30 Mehefin 2024)	Myfyriwr	6/6
Mr Pablo Josiah, Llywydd Undeb y Myfyrwyr (tan 30 Mehefin 2024)	Myfyriwr	6/6
Miss Katie Wilkinson, Penodwyd gan Undeb y Myfyrwyr (o 1 Gorffennaf 2024)	Myfyriwr	2/2

Côd Llywodraethu Addysg Uwch CUC

Mae'r Brifysgol yn ymrwymedig i safonau uchel o lywodraethu corfforaethol ac mae'n ymdrechu'n barhaus i wella ei llywodraethu yn unol ag arfer gorau yn y sector addysg uwch. Datblygwyd strwythur llywodraethu'r Brifysgol i gydweddu â'r egwyddorion a'r arferion amlinellir yng Nghôd Llywodraethu Addysg Uwch CUC. Yn unol â'r Côd hwn, comisiynodd y Cyngor Adolygiad Annibynnol o Effeithiolrwydd yn 2023, a gynhaliwyd gan AUA Consulting. Cydnabu'r Adolygiad hwn y gweliannau a roddwyd ar waith gan y Brifysgol ers ei hadolygiad effeithiolrwydd diwethaf yn 2019, a daeth i'r casgliad y gellid cadarnhau â chryn sicrwydd fod trefniadau llywodraethu'r Brifysgol yn effeithiol ac nad oedd unrhyw faterion o safbwynt llywodraethu y byddai angen rhoi sylw iddynt, a bod y Cyngor yn cynnal ei weithgareddau'n unol â'r Côd. Casglwyd hefyd bod y Brifysgol, drwy gynnal yr adolygiad hwn, wedi dangos ei hymrwymiad i wella ei threfniadau llywodraethu'n barhaus yn unol â'r arferion gorau a nodwyd yn y Côd. Nododd yr Adolygiad rai cyfleoedd ar gyfer gwella a datblygu. Mae'r Cyngor wedi ystyried y rhain ac wedi cytuno ar gynllun gweithredu ar gyfer rhoi nifer ohonynt ar waith. Mewn perthynas â'r flwyddyn a ddaeth i ben ar 31 Gorffennaf 2024, gall y Cyngor adrodd nad oedd unrhyw elfen sylfaenol o'r Côd Llywodraethu nad oedd gweithdrefnau'r Brifysgol yn gyson â hi.

Adolygiad o lywodraethu prifysgolion yng Nghymru

Mae'r Cyngor wedi mabwysiadu'n ffurfiol y Siarter Llywodraethiant ar gyfer Prifysgolion yng Nghymru ac Ymrwymiad i Weithredu a gyhoeddwyd mewn ymateb i Adolygiad Camm ac mae'n parhau i roi'r argymhellion a nodwyd ar waith er mwyn sicrhau cydymffurfiaeth â'r Ymrwymiad i Weithredu. Gan adeiladu ar y cynnydd da a wnaed yn y blynyddoedd blaenorol, mae datblygiadau allweddol yn 2023/24 yn cynnwys:

- mabwysiadu Datganiad o Annibyniaeth ar gyfer Aelodau Lleyg o'r Cyngor. Mae hwn yn esbonio ystyr annibyniaeth a'r materion hynny a all amharu ar annibyniaeth llywodraethwyr, ynghyd â Chôd Ymddygiad diwygiedig y Cyngor sy'n nodi'r ymddygiadau a'r safonau a ddisgwylir gan aelodau'r Cyngor i gynorthwyo cyrrff llywodraethu wrth gyflawni'r safonau uchaf o lywodraethu;
- cyflwyno Fforwm Ymgysylltu ar y cyd newydd y Cyngor lle gall cynrychiolwyr o undebau'r campws godi materion yn uniongyrchol gydag aelodau lleyg o'r Cyngor cyn cyfarfodydd y Cyngor;
- cynnal adolygiad o lys y Brifysgol i sicrhau ei fod yn darparu fforwm effeithiol i randdeiliaid ymgysylltu â'r gymuned ehangach;
- adolygu'r rhaglen sefydlu ar gyfer aelodau newydd o'r Cyngor. Ar hyn o bryd, mae hyn yn cynnwys sesiynau briffio gyda Chadeirydd y Cyngor, Ysgrifennydd y Brifysgol ac aelodau o'r fim Gweithredol a digwyddiadau allanol Medr/Advance HE; a
- thrwy brosesau penodi clir a thryloyw, recriwtio Dirprwy Ganghellor a Chadeirydd y Cyngor newydd, Trysorydd newydd y Brifysgol a phum aelod lleyg newydd o'r Cyngor, gan ystyried y matrices o sgiliau a phrofiad aelodau'r Cyngor er mwyn sicrhau bod y Cyngor yn parhau i feddu ar y sgiliau a'r profiad sy'n angenrheidiol i gyflawni ei gyfrifoldebau.

Y Senedd

Y Senedd, a sefydlwyd gan Siarter y Brifysgol, yw awdurdod academaidd y Brifysgol. Amlinellir aelodaeth, pwerau a dyletswyddau'r Senedd yn Ordinhad 4, sydd ar gael ar wefan y Brifysgol. Cadeirir y Senedd gan yr Is-ganghellor ac mae ei haelodaeth yn cynnwys: y Profost, Dirprwy Is-ganghellorion a Dirprwy Is-ganghellorion a Deoniaid Gweithredol, Dirprwy Is-ganghellorion Cynorthwyol, Dirprwy Ddeoniaid Gweithredol, Deoniaid Cysylltiol Cyfadranau,

Penaethiaid Ysgolion, Cyfarwyddwyr Gweithrediadau Strategol Cyfadranau, y Gwasanaethau Addysg, Bywyd Myfyrwyr ac Academi Hywel Teifi, a chynrychiolwyr myfyrwyr, ynghyd â 24 o aelodau etholedig o bliith staff Athrawol a staff academaidd nad ydynt yn Athrawon yn y Cyfadranau.

Mae'r Senedd yn cwrdd bedair gwaith y flwyddyn fel arfer, ond gellir galw cyfarfodydd arbennig ar gais y Cadeirydd os oes angen. Yn ystod 2023/24, cynhaliodd y Senedd bum cyfarfod, gan gynnwys un cyfarfod arbennig. Cynhaliwyd pedwar cyfarfod wyneb yn wyneb ac un cyfarfod hybrid. Canolbwyntiodd busnes y Senedd ar adolygu strategaethau'r Brifysgol (gan gynnwys Mentergarwch, Chwaraeon, y Gymraeg, Treftadaeth a Diwylliant, ac Addysg); adolygu prosesau a fframwaith sicrhau ansawdd y Brifysgol a Datganiad o Sicrhau Ansawdd blynyddol y Llywodraethwyr; ac adolygu peirfformiad y Brifysgol yn y tablau cynghrair a'i safleoedd, gan gynnwys yn yr Arolwg Cenedlaethol o Fyfyrrwyr. Derbyniodd y Senedd ddiweddariadau hefyd am brosiectau a mentrau mawr sy'n effeithio ar y Brifysgol gyfan, recriwtio myfyrwyr a'r dirwedd polisi a sector ynghyd ag adroddiadau rheolaidd gan ei his-bwyllgorau a sefydlwyd i'w chynorthwyo wrth gyflawni ei chyfrifoldebau.

Y Llys

Mae'r Llys, a sefydlwyd gan Siarter y Brifysgol, yn gorff mawr a ffurfiol i raddau helaeth, sy'n gweithredu fel fforwm i'r gymuned ehangach ymgysylltu â'r Brifysgol. Amlinellir aelodaeth, pwerau a dyletswyddau'r Llys yn Ordinhad 6, sydd ar gael ar wefan y Brifysgol. Canghellor y Brifysgol yw Cadeirydd y Llys a daw'r rhan fwyaf o'i aelodau o'r tu allan i'r Brifysgol, gan gynnwys chynrychiolwyr gymuned leol a chyrrff dynodedig eraill sydd â diddordeb yng ngwaith y Brifysgol. Mae'r aelodaeth hefyd yn cynnwys aelodau o'r Cyngor, cynrychiolwyr o bliith staff Brifysgol (academaidd a staff eraill) a'r myfyrwyr. Mae'r Llys yn cwrdd unwaith y flwyddyn fel arfer

a chynhaliwyd y cyfarfod diwethaf wyneb yn wyneb ar 1 Chwefror 2024 i ystyried Adolygiad Blynyddol a Datganiadau Ariannol y Brifysgol ar gyfer 2022/23.

Swyddog Atebol

Yr Is-ganghellor yw prif weithredwr a phrif swyddog academaidd a gweinyddol y Brifysgol. Mae ganddo gyfrifoldeb cyffredinol ar ran y Cyngor am gynnal a hyrwyddo effeithlonrwydd a threfn dda y Brifysgol. Yn ôl telerau'r memorandwm ariannol ffurfiol rhwng y Brifysgol a Medr, yr Is-ganghellor yw swyddog atebol y Brifysgol ac, yn y rhinwedd honno, gellir gorchymyn iddo ymddangos gerbron Pwyllgor Cyfrifon Cyhoeddus a Gweinyddiaeth Gyhoeddus Senedd Cymru ochr yn ochr â Phrif Weithredwr CCAUC (Medr erbyn hyn).

Yr Uwch-dim Arweinyddiaeth

Fel Prif Weithredwr y Brifysgol, mae gan yr Is-ganghellor gyfrifoldeb am ddatblygu strategaeth y sefydliad, nodi a chynllunio datblygiadau newydd, a llunio ethos y sefydliad. Mae aelodau'r Uwch-dim Arweinyddiaeth a Chyfarwyddwyr y Gwasanaethau Proffesiynol i gyd yn cyfrannu mewn ffyrdd amrywiol at yr agweddau hyn ar y gwaith, ond y Cyngor sydd ag awdurdod terfynol. Mae aelodaeth

yr Uwch-dim Arweinyddiaeth, sy'n cael ei gadeirio gan yr Is-ganghellor, yn cynnwys y Profost, y Cofrestrwydd a'r Prif Swyddog Gweithredu, y Dirprwy Is-ganghellorion, y Dirprwy Is-ganghellorion a Deoniaid Gweithredol a'r Prif Swyddog Cyllid. Mae'r Uwch-dim Arweinyddiaeth yn cwrdd unwaith yr wythnos ac mae'n ystyried materion strategol a gweithredol.

Pwyllgorau

Mae'r Cyngor wedi sefydlu pedwar pwyllgor sy'n ymdrin â llawer o'i waith manwl i ddechrau: Y Pwyllgor Archwilio, Sicrwydd a Risg; Y Pwyllgor Cyllid a Strategaeth; Y Pwyllgor Llywodraethu ac Enwebiadau; a'r Pwyllgor Cydnabyddiaeth Ariannol. Caiff pob un o'r pwyllgorau hyn ei gadeirio gan aelodau lleyg o'r Cyngor ac aelodau lleyg yw'r rhan fwyaf o'u haelodau. Mae uwch-swyddogion y Brifysgol yn mynychu cyfarfodydd yn ôl yr angen. Mae'r holl bwyllgorau'n hysbysu'r Cyngor am eu penderfyniadau. Mae ganddynt gyfansoddiad ffurfiol a chaiff eu chylchoedd gorchwyl a'u haelodaeth eu cymeradwyo gan y Cyngor ar argymhelliaid y Pwyllgor Llywodraethu ac Enwebiadau. Diffinnir rôl yr Ysgrifennydd i'r Cyngor yn Ordinhadau'r Brifysgol ac mae'r Ysgrifennydd i'r Cyngor hefyd yn gweithredu fel Ysgrifennydd i'r rhan fwyaf o Bwyllgorau'r Cyngor.

Y Pwyllgor Archwilio, Sicrwydd a Risg

Mae'r Pwyllgor Archwilio, Sicrwydd a Risg yn gyfrifol am gynghori a chynorthwyo'r Cyngor mewn perthynas ag amgylchedd sicrwydd a rheoli'r Brifysgol. Ei brif gyfrifoldebau yw sicrhau bod y Brifysgol yn cydymffurfio â gofynion statudol, gofynion y Brifysgol a gofynion rheoleiddio allanol mewn perthynas â'i gweithgareddau ariannol ac anariannol ac mewn perthynas â'r materion yn ei glych gorchwyl, ac mae gan y Pwyllgor yr awdurdod i wneud argymhellion i'r Brifysgol, ei hunedau trefniadaethol a'i haelodau.

Cadeirir y Pwyllgor gan aelod lleyg o'r Cyngor. Penodir holl aelodau'r Pwyllgor a'i Gadeirydd gan y Cyngor ar argymhelliaid y Pwyllgor Llywodraethu ac Enwebiadau. Mae'r holl aelodau'n annibynnol ar reolwyr y Brifysgol, er bod aelodau o'r uwch-dim gweithredol yn mynychu cyfarfodydd yn ôl yr angen ac, yn unol â Chôd Rheoli Ariannol Medr, ni cheir croes-gynrychiolaeth rhwng y Pwyllgor Archwilio, Sicrwydd a Risg a'r Pwyllgor Cyllid a Strategaeth. Rhestrir isod aelodau o'r Pwyllgor a wasanaethodd yn ystod y flwyddyn a ddaeth i ben ar 31 Gorffennaf 2024 a hyd at y cyfarfod lle llofnodwyd y datganiadau ariannol. Nodir presenoldeb yng nghyfarfodydd y Pwyllgor (*wedi'i fynegi fel y nifer o gyfarfodydd y Pwyllgor y bu'r aelod yn bresennol ynddynt o gyfanswm y cyfarfodydd y gallai fod wedi'u mynychu).

Aelod o'r Pwyllgor Archwilio, Sicrwydd a Risg	Categori	Presenoldeb mewn cyfarfodydd*
Dr Kerry Beynon, Cadeirydd y Pwyllgor (tan 3 Chwefror 2024)	Lleyg	2/2
Mrs Marcia Sinfield, Cadeirydd y Pwyllgor (o 4 Chwefror 2024)	Lleyg	4/4
Miss Abigail Egwuatu, Myfyriwr sy'n aelod o'r Cyngor (o 17 Tachwedd 2023 tan 30 Mehefin 2024)	Myfyriwr	3/3
Yr Athro Kathryn Monk, Aelod Cyfetholedig o'r Cyngor	Lleyg	4/4
Mr Phillip Morgan, Aelod Cyfetholedig o'r Cyngor (o 4 Chwefror tan 19 Mehefin 2024)	Lleyg	1/1
Mr Richard Thomas, Aelod Cyfetholedig o'r Cyngor (o 16 Mai 2024)	Lleyg	1/1
Ms Anne Tutt, Aelod Cyfetholedig o'r Cyngor (tan 31 Rhagfyr 2023)	Lleyg	2/2
Mrs Alison Vickers, Aelod lleyg cyfetholedig o'r Pwyllgor	Lleyg	3/4
Miss Katie Wilkinson, Myfyriwr sy'n aelod o'r Cyngor (o 1 Gorffennaf 2024)	Myfyriwr	0/0

Mae'r Pwyllgor yn cwrdd bedair gwaith y flwyddyn fel arfer, ond gellir galw cyfarfodydd arbennig ar gais y Cadeirydd os oes angen. Yn ystod 2023/24, cynhaliodd y Pwyllgor bedwar cyfarfod, dau ar ffurf hybrid a dau o bell. Canolbwyntiodd busnes y Pwyllgor ar drafod natur a chwmpas y Cynllun Archwilio Blynyddol â'r Archwilwyr Allanol a derbyn adroddiadau ynghylch cynnydd wrth ei roi ar waith; cymeradwyo'r Cynllun Archwilio Mewnol yn dilyn trafodaethau â'r Cyfarwyddwr Cysylltiol ar gyfer yr Archwiliad Mewnol a derbyn adroddiadau ynghylch cynnydd wrth ei roi ar waith; argymhell i'r Cyngor yr ymagwedd a'r trefniadau arfaethedig mewn perthynas â pharodrwydd y Brifysgol i dderbyn risg; cymeradwyo ei Adroddiad Blynyddol i'r Cyngor; goruchwyllo polisiâu'r Brifysgol mewn perthynas â materion moesegol ac ymddygiadau eraill a derbyn adroddiadau am unrhyw gamau gweithredu a gymerwyd yn unol â'r polisiâu hyn; a derbyn adroddiadau diweddarar ar eitemau risg sefydlog (seiberddiogelwch, iechyd a diogelwch, cyfamodau benthygiadau, enw da a chwythu'r chwiban). Mae'r Pwyllgor

wedi derbyn diweddariadau rheolaidd am raglen Cynaliadwyedd Ariannol y Brifysgol ac mae hefyd wedi adolygu ei gylch gorchwyl a'i effeithiolrwydd; y Map Sicrwydd; adroddiadau archwilio mewnol a bu'n monitro gwaith i roi ar waith yr argymhellion y cytunwyd arnynt o'r archwiliad; y trefniadau rheoli risg, y gofrestr risgiau a'r prif risgiau; effeithiolrwydd trefniadau archwilio allanol a mewnol; Llythyr Risg Medr i'r sefydliad; llythyr rheoli'r Archwilwyr Allanol; adroddiad blynyddol yr Archwilwyr Mewnol; a chyfarfu'n rheolaidd â'r Archwilwyr Allanol, y Cyfarwyddwr Cysylltiol ar gyfer yr Archwiliad Mewnol, y Cofrestrwydd a Phrif Swyddog Gweithredu a'r Prif Swyddog Ariannol i roi cyfle iddynt drafod unrhyw faterion preifat.

Y Pwyllgor Cyllid a Strategaeth

Mae'r Pwyllgor Cyllid a Strategaeth yn goruchwyllo ac yn monitro iechyd ariannol y Brifysgol ar ran y Cyngor. Ei brif gyfrifoldebau yw (i) sicrhau cynaliadwyedd ariannol tymor canolog a hir y Brifysgol drwy adolygu sefyllfa ariannol y Brifysgol yn rheolaidd, (ii) sicrhau bod y Brifysgol yn gweithredu

system rheoli ariannol mewnol gadarn, (iii) monitro perfformiad a chydymffurfiaeth ariannol, (iv) cynnal trosolwg ariannol o bob strategaeth berthnasol a (v) chwarae rôl feiriadol wrth gymhwyso egwyddorion prawf a her i bob penderfyniad ariannol. Mae'r Pwyllgor yn cynghori ac yn gwneud argymhellion i'r Cyngor mewn perthynas â phob mater ariannol.

Cadeirydd y Pwyllgor yw Trysorydd y Brifysgol. Penodir holl aelodau llewy y Pwyllgor a'i Gadeirydd gan y Cyngor ac ar argymhelliaid y Pwyllgor Llywodraethu ac Enwebiadau. Yn unol â Chôd Rheoli Ariannol Medr, nid oes croes-gynrychiolaeth rhwng y Pwyllgor Archwilio, Sicrwydd a Risg a'r Pwyllgor Cyllid a Strategaeth. Rhestrir isod aelodau o'r Pwyllgor a wasanaethodd yn ystod y flwyddyn a ddaeth i ben ar 31 Gorffennaf 2024 a hyd at y cyfarfod o'r Cyngor lle llofnodwyd y datganiadau ariannol. Nodir presenoldeb yng nghyfarfodydd y Pwyllgor (*wedi'i fynegi fel y nifer o gyfarfodydd y Pwyllgor y bu'r aelod yn bresennol ynddynt o gyfanswm y cyfarfodydd y gallai fod wedi'u mynychu).

Mae'r Pwyllgor yn cwrdd bedair gwaith y flwyddyn fel arfer, ond gellir galw cyfarfodydd arbennig ar gais y Cadeirydd os oes angen. Yn ystod 2023/24, cynhaliodd y Pwyllgor chwe cyfarfod, gan gynnwys dau gyfarfod arbennig. Cynhaliwyd dau o'r cyfarfodydd wyneb yn wyneb, tri fel cyfarfodydd hybrid ac un o bell. Canolbwyntiodd busnes y Pwyllgor ar adolygu ac argymhell i'r Cyngor ragamcanion ariannol y Brifysgol a'r Rhaglen Cynaliadwyedd Ariannol a sefydlwyd mewn ymateb i'r heriau ariannol mae'r Brifysgol a'r sector addysg uwch ehangach yn eu hwynebu oherwydd costau cynyddol a chwyddiant, dibrisiant parhaus y ffi i fyfyrwyr israddedig cartref, ymddygiad cystadleuwyr mewn perthynas â myfyrwyr cartref a phroblemau o ran cadw a dilyniant. Bu'r Pwyllgor yn ystyried ac yn derbyn diweddariadau rheolaidd am gynnydd wrth roi'r rhaglen ar waith, gan gynnwys Ailgynllunio Gwasanaethau, cynhyrchu incwm, arbedion cyflog ac arbedion heblaw am gyflogau, Cynllun Ymadael yn Wirfoddol ac adolygiad o wariant cyfalaf y dyfodol. Yn ogystal, adolygodd y Pwyllgor reolaeth risgiau ariannol allweddol, prosesau cynllunio busnes, trefniadau cynllun pensiwn y

Brifysgol, rhagamcanion ariannol is-gwmniau'r Brifysgol, cyfrifon Undeb y Myfyrwyr, a phrosesau ac adroddiadau TRAC, achosion busnes ar gyfer partneriaethau rhanbarthol a byd-eang, Cynllun Dirprwyo diwygiedig, Polisi Rheoli Trysorlys drafft, ac adolygodd gylch gorchwyl y Pwyllgor.

Y Pwyllgor Llywodraethu ac Enwebiadau

Mae'r Pwyllgor Llywodraethu ac Enwebiadau'n adolygu trefniadau llywodraethu'r Brifysgol ac yn cynghori'r Cyngor arnynt, gan sicrhau bod y Brifysgol yn mabwysiadu arfer gorau ac yn cydymffurfio â gofynion llywodraethu allanol. Prif gyfrifoldebau'r Pwyllgor yw (i) sicrhau cydymffurfiaeth â gofynion llywodraethu allanol, (ii) adolygu aelodaeth y Cyngor a'i Bwyllgorau gan sicrhau bod ganddo'r cydbwysedd angenrheidiol o sgiliau a phrofiad i'w alluogi i gyflawni ei gyfrifoldebau, (iii) adolygu dogfennau llywodraethu'r Brifysgol ac argymhell newidiadau iddynt, (iv) adolygu a chynghori ar brosesau recriwtio a phenodi aelodau llewy y Cyngor a'i bwyllgorau a gwneud argymhellion ynghylch y rhain, (v), adolygu a chynghori ar gynllunio am ddilyniant a gwneud argymhellion ar hyn, (vi) goruchwyllo sefydlu,

datblygu ac arfarnu aelodau'r Cyngor, (vii) adolygu Cofrestr Buddiannau'r Cyngor a sicrhau bod proses gadarn ar waith i nodi gwrthdaro posib rhwng buddiannau ac (viii) adolygu amrywiaeth y Cyngor a'i Bwyllgorau.

Cadeirydd y Pwyllgor yw Cadeirydd y Cyngor. Penodir holl aelodau llewy y Pwyllgor a'i Gadeirydd gan y Cyngor ac ar argymhelliaid y Pwyllgor Llywodraethu ac Enwebiadau. Rhestrir isod aelodau o'r Pwyllgor a wasanaethodd yn ystod y flwyddyn a ddaeth i ben ar 31 Gorffennaf 2024 a hyd at y cyfarfod o'r Cyngor lle llofnodwyd y datganiadau ariannol. Nodir presenoldeb yng nghyfarfodydd y Pwyllgor (*wedi'i fynegi fel y nifer o gyfarfodydd y Pwyllgor y bu'r aelod yn bresennol ynddynt o gyfanswm y cyfarfodydd y gallai fod wedi'u mynychu).

Mae'r Pwyllgor yn cwrdd bedair gwaith y flwyddyn fel arfer, ond gellir galw cyfarfodydd arbennig ar gais y Cadeirydd os oes angen. Yn ystod 2023/24, cynhaliodd y Pwyllgor bum cyfarfod, gan gynnwys un cyfarfod arbennig. Cynhaliwyd pedwar o'r cyfarfodydd o bell ac un cyfarfod hybrid. Canolbwyntiodd busnes y Pwyllgor ar argymhell i'r

Aelod o'r Pwyllgor Cyllid a Strategaeth	Categori	Presenoldeb mewn cyfarfodydd*
Mr Goi Ashmore, Trysorydd a Chadeirydd y Pwyllgor (tan 31 Rhagfyr 2023) a Dirprwy Ganghellor a Chadeirydd y Cyngor (o 1 Ionawr 2024)	Lleyg	6/6
Ms Anne Tutt, Trysorydd a Chadeirydd y Pwyllgor (o 1 Ionawr 2024)	Lleyg	3/3
Yr Athro Paul Boyle, Is-ganghellor	Staff	4/6
Miss Megan Chagger, Myfyriwr sy'n aelod o'r Cyngor (o 1 Gorffennaf 2024)	Myfyriwr	0/0
Yr Athro Edward David, Aelod cyfetholedig o'r Cyngor	Lleyg	6/6
Dr Angus Muirhead, Aelod cyfetholedig o'r Cyngor (tan 20 Mawrth 2024)	Lleyg	3/4
Mr Bleddyn Phillips, Dirprwy Ganghellor a Chadeirydd y Cyngor (tan 31 Rhagfyr 2023)	Lleyg	3/3
Mr Steve Smith, Aelod Lleyg cyfetholedig	Lleyg	5/6
Mr Laurence Carpanini, Aelod Cyfetholedig o'r Cyngor (o 10 Gorffennaf 2023)	Lleyg	4/6
Mr Pablo Josiah, Myfyriwr sy'n aelod o'r Cyngor (o 9 Hydref 2023 tan 30 Mehefin 2024)	Myfyriwr	5/6
Ms Nan Williams, Aelod Cyfetholedig o'r Cyngor (o 21 Mawrth 2024)	Lleyg	2/2
Yr Athro Michelle Lee, Aelod staff sy'n aelod o'r Cyngor (o 9 Hydref 2023)	Staff	5/5

Aelod o'r Pwyllgor Llywodraethu ac Enwebiadau	Categori	Presenoldeb mewn cyfarfodydd*
Mr Bleddyn Phillips, Dirprwy Ganghellor a Chadeirydd y Pwyllgor (tan 31 Rhagfyr 2023)	Lleyg	3/3
Mr Goi Ashmore, Dirprwy Ganghellor a Chadeirydd y Pwyllgor (o 1 Ionawr 2024)	Lleyg	2/2
Yr Athro Paul Boyle, Is-ganghellor	Staff	5/5
Miss Megan Chagger, Myfyriwr sy'n aelod o'r Cyngor (o 1 Gorffennaf 2024)	Myfyriwr	0/0
Syr Roderick Evans, Dirprwy Ganghellor	Lleyg	5/5
Yr Athro Ryan Murphy, Penodwyd gan y Senedd	Staff	4/5
Mr Adam Jones, Aelod staff o'r Cyngor (o 9 Hydref 2023)	Staff	2/3
Mr Pablo Josiah, Llywydd Undeb y Myfyrwyr (tan 30 Mehefin 2024)	Myfyriwr	5/5
Ms Elin Rhys, Aelod cyfetholedig o'r Cyngor (tan 3 Chwefror 2024)	Lleyg	3/3
Yr Athro Keshav Singhal, Aelod cyfetholedig o'r Cyngor	Lleyg	4/5
Ms Anne Tutt, Aelod Cyfetholedig o'r Cyngor (tan 31 Rhagfyr 2023)	Lleyg	3/3
Ms Nan Williams, Aelod Cyfetholedig o'r Cyngor (o 1 Ionawr 2024)	Lleyg	2/2

Cyngor benodiad Trysorydd newydd y Brifysgol ac aelodau lleyg newydd o'r Cyngor; adolygu'r Adroddiad ar yr Adolygiad annibynnol o Effeithiolrwydd Llywodraethu ac argymhell cynllun gweithredu i'r Cyngor ar gyfer rhoi rhai cyfleoedd gwella a datblygu ar waith; adolygu ac argymhell i'r Cyngor newidiadau yng nghylch gorchwyl ac aelodaeth Pwyllgorau'r Cyngor ac adolygu effeithiolrwydd y pwyllgorau hyn; argymhell bod y Cyngor yn mabwysiadu Datganiad o Annibyniaeth ar gyfer aelodau lleyg o'r Cyngor, Cōd Ymddygiad diwygiedig a chynigion ar gyfer adolygu'r Llys. Yn ogystal, derbyniodd y Pwyllgor Adroddiad Cydraddoldeb Blynnyddol y Brifysgol ac adroddiadau am amrywiaeth y Cyngor a phwyllgorau'r Cyngor, y gofrestr datganiadau o fuddiant, a'r broses ar gyfer gwerthuso Cadeirydd y Cyngor a'r Is-ganghellor.

Y Pwyllgor Cydnabyddiaeth Ariannol

Mae'r Pwyllgor Cydnabyddiaeth Ariannol yn sicrhau ei fod yn cydymffurfio â gofynion Cōd Cydnabyddiaeth Ariannol Uwch-aelodau Staff Addysg Uwch Pwyllgor y Cadeiryddion Prifysgol (CUC) ac mae'n cyhoeddi adroddiad blynnyddol sydd ar gael ar wefan y Brifysgol. Mae'r Pwyllgor yn gyfrifol am (i) orchwyllo a chraffu ar strategaeth wobrwyo'r

Brifysgol, (ii) llunio strategaeth a pholisi gwobrwyo cyffredinol i ymdrin â chydabyddiaeth ariannol, buddion ac amodau cyflogaeth uwch-aelodau staff y Brifysgol ar radd 11 a'r rhai hynny sy'n atebol yn uniongyrchol i aelodau o'r Uwch-dim Arweinyddiaeth. (iii) adolygu a phennu pob agwedd ar gydnabyddiaeth ariannol, buddion ac amodau cyflogaeth yr Is-ganghellor, a chydabyddiaeth ariannol a buddion ariannol eraill aelodau o'r Uwch-dim Arweinyddiaeth gan ystyried fforddiadwyedd, gwybodaeth gymharol am gydnabyddiaeth ariannol, buddion ac amodau cyflogaeth yn y sector prifysgolion ac mewn mannau eraill fel y bo'n briodol, (iii) darparu adroddiad blynnyddol ar gynnydd i'r Cyngor sy'n dryloyw ac yn cydweddu ag argymhellion y Cōd Cydnabyddiaeth Ariannol Uwch-aelodau Staff ac sy'n bodloni gofynion llywodraethu da.

Cadeirir y Pwyllgor Cydnabyddiaeth Ariannol gan aelod lleyg o'r Cyngor ac mae'n cynnwys aelodau lleyg o'r Cyngor sy'n meddu ar wybodaeth ac arbenigedd perthnasol. Penodir holl aelodau'r Pwyllgor a'i Gadeirydd gan y Cyngor ac ar argymhelliaid y Pwyllgor llywodraethu ac Enwebiadau. Mae'r holl aelodau'n annibynnol ar y Brifysgol. Mae'r Cofrestr ydd a Phrif Swyddog Gweithredu, y Cyfarwyddwr Adnoddau Dynol ac Ysgrifennydd y Brifysgol yn mynychu'r holl gyfarfodydd ac mae

uwch-swyddogion gweithredol eraill yn mynychu cyfarfodydd yn ôl yr angen. Nid yw'r Is-ganghellor yn bresennol yn ystod trafodaethau a phenderfyniadau ynghylch ei gydnabyddiaeth ariannol ei hun ac nid yw'n cyfrannu at y rhain. Nid yw aelodau staff yn bresennol pan fydd y Pwyllgor yn penderfynu ar eu gwobrwyo. Mae Cadeirydd y Pwyllgor yn darparu diweddariadau rheolaidd i'r Cyngor.

Rhestrir isod aelodau o'r Pwyllgor a wasanaethodd yn ystod y flwyddyn a ddaeth i ben ar 31 Gorffennaf 2024 a hyd at y cyfarfod o'r Cyngor lle llofnodwyd y datganiadau ariannol. Nodir presenoldeb yng nghyfarfodydd y Pwyllgor (*wedi'i fynegi fel y nifer o gyfarfodydd y Pwyllgor y bu'r aelod yn bresennol ynddynt o gyfanswm y cyfarfodydd y gallai fod wedi'u mynychu).

Yn ystod 2023/24, cynhaliodd y Pwyllgor bedwar cyfarfod yr oedd pob un ohonynt yn hybrid. Canolbwyntiodd busnes y Pwyllgor ar adolygu a phennu cydnabyddiaeth ariannol, buddion ac amodau cyflogaeth aelodau newydd o'r Uwch-dim Arweinyddiaeth a swyddi Cyfarwyddwyr; ystyried y broses Cydnabyddiaeth Ariannol ar gyfer 2023 a 2024 a gwneud penderfyniadau yn ei chylch; cymeradwyo dyfarniad costau byw ar gyfer yr Is-ganghellor a nodi'r dyfarniad ar gyfer yr holl gydweithwyr eraill yn unol â'r codiadau cyflog a

weithredwyd yn dilyn trafodaethau cyflog 2023/24 a gynhaliwyd gan UCEA ar ran sefydliadau addysg uwch; adolygu cylch gorchwyl y Pwyllgor Cydnabyddiaeth Ariannol ac effeithiolrwydd y Pwyllgor yn unol ag arfer y sector; cymeradwyo Datganiad Blynnyddol o Bolisi Cyflog newydd sy'n amlinellu polisiau'r Brifysgol ar amrywiaeth o faterion mewn perthynas â chyflogau a chydabyddiaeth ariannol ei gweithlu; cymeradwyo Datganiad Cydnabyddiaeth Ariannol sy'n dryloyw, sy'n cyd-fynd ag argymhellion Cōd Cydnabyddiaeth Ariannol Uwch-swyddogion Addysg Uwch CUC ac yn bodloni gofynion llywodraethu da; derbyn diweddariadau lefel uchel ar sefyllfa ariannol y Brifysgol a'r Cynllun Ymadael yn Wirfoddol (VES), gweithgareddau gwobrwyo'r Brifysgol a'r llwybr cymeradwyo, y broses o roi'r Cyflog Byw Gwirioneddol ar waith a chyflogau'r rhywiaw; nodi dyrchafiadau drwy'r weithdrefn Cadw Dawn Eithriadol; a chymryd rhan yn y broses gwneud penderfyniadau ar unrhyw drefniadau i derfynu cyflogaeth cyflogaion ar radd 11 ac am daliadau sy'n fwy na £60,000 a chyfrifoldeb am y broses hon.

Datganiad o Reolaeth Fewnol

Mae'r Cyngor yn gyfrifol am sicrhau bod system rheoli mewnol gadarn ar waith i gynorthwyo'r Brifysgol i gyflawni ei nodau, ei hamcanion strategol a'i pholisiau, gan warchod yr arian a'r asedau cyhoeddus y mae'n gyfrifol amdanynt. Mae'r system rheoli mewnol yn seiliedig ar risg ac mae wedi'i chynllunio i reoli'r risg o feith cyflawni amcanion strategol, yn hytrach na chael gwared â'r risg yn gyfan gwbl; felly, mae'r system yn darparu sicrwydd rhesymol, ond nid sicrwydd llwyr, yn erbyn camddywediad perthnasol neu gollod. Mae'r Cyngor yn gweithredu yn unol â'r cyfrifoldebau a ddyrannwyd iddo yn Siarter a Statudau'r Brifysgol a'r fframwaith rheoleiddio y mae'r Brifysgol yn gweithredu yn unol ag ef.

Mae elfennau allweddol system nodi risg a rheoli risgiau'n effeithiol y Brifysgol yn cynnwys y canlynol:

- cysylltu'r broses o nodi a rheoli risg â chyflawni amcanion y sefydliad drwy broses gynllunio flynyddol;
- caiff yr holl risgiau sylweddol, gan gynnwys o ran llywodraethu, rheoli, ansawdd, enw da a rhai ariannol, eu cynnwys yng Nghofrestr Risgiau'r Brifysgol, sy'n cael ei rheoli a'i chynnal gan Uwch-dim Arweinyddiaeth y Brifysgol drwy bolisi ac ymagwedd sydd wedi'u hamlinellu'n glir. Mae'r Gofrestr Risgiau'n darparu portffolio cytbwys o debygolrwydd risgiau sy'n canolbwyntio ar y risgiau allweddol;
- gwerthuso'r tebygolrwydd y daw risgiau'n realiti, a'r effaith y cânt, fel rhan o'r un broses honno a sefydlu rheolaethau lliniaru;
- adolygu'r parodrwydd i dderbyn risg fel rhan o ystyriaeth gyffredinol rheoli risg;
- rhoi gweithdrefnau adolygu ar waith sy'n cynnwys risgiau busnes, gweithredol, cydymffurfiaeth ac ariannol;
- ymgorffori prosesau asesu risg a rheoli mewnol yng ngweithrediadau parhaus pob uned;
- cyflwyno adroddiadau rheolaidd i'r Pwyllgor Archwilio, Sicrwydd a Risg, ac yna i'r Cyngor, ar realiti mewnol, llywodraethu a risg;
- gweithredu map sicrwydd risg, wedi'i lunio ar sail y gofrestr risgiau, ac yn seiliedig ar y tair llinell amddiffyn;
- gwerthuso'r map sicrwydd risg i lywio'r cynllun archwilio mewnol sy'n seiliedig ar risg a darparu sicrwydd ledled y sefydliad;
- mae'r Pwyllgor Archwilio, Sicrwydd a Risg yn derbyn adroddiadau sicrwydd rheolaidd gan y Gwasanaeth Archwilio Mewnol a chaiff y cynllun archwilio mewnol ar sail risg ei dderbyn gan yr Uwch-dim Arweinyddiaeth a'i gymeradwyo gan y Pwyllgor Archwilio, Sicrwydd a Risg;
- adrodd yn flynyddol i'r Cyngor ar brif ganlyniadau'r broses o nodi a gwerthuso risgiau a'r adolygiad rheolaeth;

- caiff ymarferion rheolaidd i fonitro ac adolygu effeithiolrwydd prosesau a gweithdrefnau y system rheoli mewnol eu llywio gan Wasanaeth Archwilio Mewnol y Brifysgol, gan arwain at gamau gweithredu wedi'u monitro lle bynnag y bo'n angenrheidiol ac yn briodol.

Mae gan Uwch-dim Arweinyddiaeth y Brifysgol brosesau ffurfiol ar waith ar gyfer gwerthuso a rheoli risgiau sylweddol a wynebier gan y sefydliad yn barhaus. Mae hyn yn golygu nodi'r mathau o risgiau drwy ymagwedd o'r brig i lawr ac o'r gwaelod i fyny ar lefel gorfforaethol ac adrannol. Caiff y rhain eu blaenoriaethu ar sail eu heffaith bosib a'r tebygolrwydd y cânt eu gwireddu drwy bolisi rheoli risgiau sefydledig.

Mae'r Uwch-dim Arweinyddiaeth yn monitro risgiau ynghyd â'r mesurau rheoli a'r camau lliniaru cysylltiedig yn rheolaidd. Y Pwyllgor Archwilio, Sicrwydd a Risg sy'n gyfrifol am sicrhau bod y fframwaith risgiau'n gweithio'n effeithiol a bod risg yn cael ei rholi, ac am gynghori'r Cyngor a sicrhau y cyflwynir adroddiadau ag argymhellion priodol a'r gofrestr risgiau i'r Cyngor. Mae'r Pwyllgor Archwilio, Sicrwydd a Risg yn derbyn y gofrestr risgiau a diweddariad am risg ym mhob un o'i gyfarfodydd, Mae'r Pwyllgor Cyllid a Strategaeth yn derbyn y gofrestr risgiau a diweddariadau am risgiau perthnasol yn rheolaidd er gwybodaeth.

Mae gan y Brifysgol broses ar gyfer ymdrin â materion rheoli arwyddocaol, sy'n cynnwys hysbysu Cadeirydd y Cyngor, Cadeiryddion y Pwyllgor Archwilio, Sicrwydd a Risg, y Pwyllgor Cyllid a Strategaeth ac aelodau angenrheidiol o'r uwch-staff ar unwaith, a hysbysu CCAUC (Medr erbyn hyn) a'r Comisiwn Elusennau hefyd ac unrhyw awdurdod perthnasol arall, fel y bo'n briodol, gan ddibynnu ar natur y broblem.

Aelod o'r Pwyllgor Cydnabyddiaeth Ariannol	Categori	Presenoldeb mewn cyfarfodydd*
Dr Angus Muirhead, Aelod Cyfetholedig o'r Cyngor a Chadeirydd y Pwyllgor	Lleyg	4/4
Mr Goi Ashmore, Dirprwy Ganghellor a Chadeirydd y Cyngor (o 1 Ionawr 2024)	Lleyg	3/3
Mr Laurence Carpanini, Aelod cyfetholedig o'r Cyngor	Lleyg	3/3
Yr Athro Edward David, Aelod cyfetholedig o'r Cyngor	Lleyg	4/4
Syr Roderick Evans, Dirprwy Ganghellor	Lleyg	4/4
Yr Athro Kathryn Monk, Aelod cyfetholedig o'r Cyngor	Lleyg	4/4
Mr Bleddyn Phillips, Dirprwy Ganghellor a Chadeirydd y Cyngor (tan 31 Rhagfyr 2023)	Lleyg	1/1
Ms Elin Rhys, Aelod cyfetholedig o'r cyngor	Lleyg	1/1